

ԱՇԽԱՏԱՆՔԱՅԻՆ ՊԼԱՆ

Կազմակերպություն

«Արարատի Երիտասարդական Նախաձեռնությունների Կենտրոն»
Հասարակական Կազմակերպություն

Ծրագիր

««Արարատ» Երիտասարդական Կենտրոնի ստեղծում»

Ժամանակահատված

Հունվար (2024) – դեկտեմբեր (2024)

		Ժամանակացույց 2024 թ. ²			
Հ/Հ	Գործողություն	Ինտելեկտուալ ժամանցի կազմակերպում			
		I կիսամյակ		II կիսամյակ	
		Միջոցառումների քանակ	Մասնակիցների քանակ	Միջոցառումների քանակ	Մասնակիցների քանակ
1.1	Ինտելեկտուալ ժամանցի միջավայրի ապահովում: Կենտրոնն աշխատելու է շաբաթվա բոլոր օրերին:	182 (օր)	200	183 (օր)	200
1.2	Կինոդիտում, ֆիլմերի և գրքերի քննարկում	6	72 (նվազագույնը 12 մասնակից)	6	72 (նվազագույնը 12 մասնակից)
1.3	Բանավեճերի, հանրային քննարկումների կազմակերպում	6	72 (նվազագույնը 12 մասնակից)	6	72 (նվազագույնը 12 մասնակից)
1.4	Ճանաչողական արշավների կազմակերպում	3	45	3	45
1.5	Արվեստի, մշակութային երեկոներ, փառատոնի կազմակերպում	3	45	3	45
2.	Կարողությունների բացահայտում և զարգացում ոչ ֆորմալ կրթական մեթոդներով				
		I կիսամյակ		II կիսամյակ	
		Միջոցառումների քանակ	Մասնակիցների քանակ	Միջոցառումների քանակ	Մասնակիցների քանակ
2.1	Համակարգչային և մեդիագրագիտության դասընթացներ	6	36 (նվազագույնը 6 մասնակից)	6	36 (նվազագույնը 6 մասնակից)
2.2	Շրջակա միջավայրի պաշտպանության, աղետների ռիսկերի կառավարման դասընթացներ	6	72 (նվազագույնը 12 մասնակից)	6	72 (նվազագույնը 12 մասնակից)

² Հաջորդ 4 տարիների համար գործողությունների ժամանակացույցը կազմվում է յուրաքանչյուր տարվա համար մինչև նախորդող տարվա նոյեմբեր ամիսը՝ պայմանագրին կից կնքվող համաձայնագրով:

Նմանատիպ իրադարձություններն իրականացվելու են նաև այլ շահագրգիռ կառույցների, հասարակական կազմակերպությունների, պետական եւ ոչ պետական սեկտորների ծրագրային հատկացումների եւ աջակցության շնորհիվ: Կենտրոնն ունի աշխատակազմ, ովքեր անհրաժեշտ գիտելիքների և փորձառության շնորհիվ իրականացնելու են հանրային և մասնավոր ոլորտների կառույցներից, անհատներից ֆինանսական միջոցների շարունակական ներգրավմանն ուղղված աշխատանքներ, այդ թվում պետական դրամաշնորհային ծրագրերին դիմելու միջոցով:

Ծրագրի նկարագրություն

Հիմնախնդրի և կարիքի հիմնավորում

Նկարագրեք ներկա վիճակը և հիմնավորեք՝ ինչու է անհրաժեշտ երիտասարդական կենտրոնի ստեղծումը:

Արարատ խոշորացված համայնքը մայրաքաղաքից 50 կմ հեռավորության վրա է գտնվում: Այստեղ առկա են մի շարք պատմամշակութային արժեք ներկայացնող կոթողներ, թանգարաններ, հուշարձաններ և զբոսաշրջային վայրեր: Համայնքում բացակայում են բարձրագույն ուսումնական հաստատությունները, առկա են դպրոցներ, քոլեջ, մշակույթի և արվեստի կենտրոն, երաժշտական դպրոց և գրադարան: Երիտասարդների ինտելեկտուալ ժամանցի, գաղափարների իրականացման, կրթական, մշակութային հետաքրքրությունների իրականացման, ինչպես նաև մեկ ընդհանուր հարթակում հանդիպումների, քննարկումների, առաջընթաց եւ զարգացում ապահովող ձեռագիծների կառուցողական մոտեցումների համար հիմնական, կայուն հարթակ առկա չէ, ինչն էլ նպաստավոր պայման է ստեղծում երիտասարդական կենտրոնի հիմնադրման համար: Կենտրոնի ստեղծումը էապես կարող է նպաստել Արարատ քաղաքի եւ հարակից բնակավայրերի երիտասարդների փոխհարաբերության, դրական տեղաշարժի, համատեղ աշխատանքի իրականացման եւ անհատապես ինքնագարգացման ու ինքնադրսեւորման գործում: Արարատը, ունենալով բազմաթիվ առանձնահատկություններ, մինչ այժմ որևէ ակտիվ նախաձեռնությամբ հանդես չի եկել և չունի իր այցեքարտը: Կենտրոնի ստեղծման և կանոնադրական նպատակների իրականացման արդյունքում, մենք ապահովելու ենք համայնքի ներուժի բացահայտմանն ուղղված միջոցառումներ (օր.՝ ամենամյա փառատոն), որն էլ դառնալու համայնքի այցեքարտը:

Կազմակերպության փորձառությունը

Ներկայացրեք կազմակերպության առաքելությունը և նպատակները, ինչպես նաև երիտասարդական կենտրոնի կառավարման առնվազն 3 տարվա գործունեությունը (ժամանակահատված, դրամաշնորհաբաժնի կազմակերպություն, բյուջե, նպատակ, արդյունքներ):

«Արարատի Երիտասարդական Նախաձեռնությունների Կենտրոն» Հասարակական Կազմակերպությունը հիմնադրվել է 2019 թվականին: Կազմակերպությունն իրականացնում է ծրագրեր և նախագծեր, որոնք առանձնահատուկ կերպով նպաստում են երիտասարդների ներգրավվածության ապահովմանը քաղաքացիական հասարակության զարգացման գործում, բիզնես միջավայրի ձևավորմանը՝ երիտասարդության զբաղվածության և ներուժի բացահայտման խթանման միջոցով, առողջ ապրելակերպի խթանմանը, երիտասարդության շրջանում կրթական մակարդակի բարձրացմանը, բնապահպանական ծրագրերին, տեղեկացվածության և իրազեկվածության մակարդակի բարձրացմանը, մարզական և մշակութային կյանքի ակտիվացմանը, երիտասարդների ներգրավմամբ մարզային տուրիզմի զարգացմանը և ՏԻՄ ոլորտի ուսումնասիրություններին և մոնիթորինգին: Վերը նշված առաքելություններն ու նպատակներն իրականացնելիս կազմակերպվել են մի շարք միջոցառումներ, այդ թվում՝

- Համաքաղաքային ծառատունկ (27.04.2019թ. Քաղաքացու օրվան նվիրված միջոցառումների շարք)
- Հանրային քննարկում (27.04.2019թ. Քաղաքացու օրվան նվիրված միջոցառումների շարք)
- Ճանաչողական արշավ (26.05.2019թ. Հայրենաճանաչության միջոցառումների շարք)
- Կրթական դասընթաց-սեմինար (02.06.2019թ. Թեմա՝ կարողությունների զարգացում)
- Համաքաղաքային ծառատունկ (28.03.2021թ.)
- «Հերոսների Պուրակ»-ի ստեղծում նախաձեռնության ակտիվ մասնակցություն (Ապրիլ 2021 – Նոյեմբեր 2021թ.)
- Համաքաղաքային ցուցահանդես-փառատոնի կազմակերպում (22.10.2021)
- Հեծանվային մարաթոն (12.08.2022թ. Երիտասարդության միջազգային օրվան նվիրված միջոցառում)

Նկարագրեք նաև այն կոնկրետ գործողությունները, որոնք նախատեսվում է իրականացնել Կենտրոնի ստեղծման համար՝ ներառյալ սենյակների քանակի կամ բաց տարածքի /open space/, սենյակ/սենյակների գործառնական նշանակության վերաբերյալ:

Համայնքի կողմից անհատույց տրամադրվող տարածքը վերաձվելու է երիտասարդական կենտրոնի սույն ծրագրի ուղեցույցով սահմանված չափանիշներին համապատասխան: Նախնական քննարկվող տարածքը ունի բոլոր հնարավորությունները ստեղծելու ժամանակակից կենտրոն, որտեղ առանձնացված է լինելու նախասրահը, դասընթացների, սեմինարների սենյակը, գրադարանի համար նախատեսված տարածք, ժամանցի սենյակ, վարչական սենյակ, խոհանոց և սանհանգույց: Տարածքն ապահովված է լինելու երկրորդ մուտքով, ինչպես նաև ունի ապաստարանի հնարավորություն: Տարածքի շրջակայքը լավ հնարավորություն ունի ստեղծելու նաև բակային միջավայր, ինչն էլ հնարավորություն կտա եղանակային բարենպաստ պայմանների դեպքում իրականացնել բացօթյա միջոցառումներ (կինոդիտում, թեմատիկ միջոցառումներ, գաստրոբակ և այլն):

Ծրագրի շահառուները ու շահագրգիռ կողմերը

Ովքեր են ծրագրի ուղղակի շահառուները³: Նկարագրեք ծրագրի շահագրգիռ կողմերին և հետաքրքրված խմբերին և նրանց ներգրավվածությունը ծրագրում:

Ծրագրի շահառու հանդիսացող համայնքի երիտասարդները (բնակիչները) հնարավորություն կունենան ունենալ ժամանակակից, տեխնիկական միջոցներով հարուստ կենտրոն, որտեղ ապահովված կլինի նրանց ուսուցանումը և հմտությունների զարգացումը: Համայնքը կունենա զարգացած համայնքային կենտրոն, իր ինտելեկտուալ բազայով, նաև բարելավված և հիմնանորոգված համայնքային գույք: Իսկ պատասխանատու նախարարությունը իր հատկացարած դրամաշնորհի արդյունքում կունենա կայուն զարգացող համայնք, ի դեմս ստեղծվող կենտրոնի՝ լծակ ազդելու համայնքում առկա այս կամ այն խնդրի լուծման արդյունավետության և անաչառության, և որոշումների օբյեկտիվ ընդունման վրա: Համայնքը պատարաստակամ է հատկացնել նոր ստեղծվող կենտրոնին անհատույց օգտագործման տարածք նվազագույնը 10 տարով, իսկ Արարատի երիտասարդական նախաձեռնությունների կենտրոնը պատրաստակամ է կատարել հիմնանորոգման աշխատանքներ և կենտրոնը դարձնել համայնքային և մարզային նշանակության կառույց: Մինչ այժմ մեր ունեցած ամենամեծ ձեռքբերումներից մեկն այն է, որ կարողացել ենք նախորդող տարիների ընթացքում սերտորեն համագործակցել մարզային ՀԿ-ների, ՏԻՄ-ի, ավագանու անդամների, մարզային տնտեսվարողների և այլ կառույցների հետ:

Ռիսկերի գնահատում

Որոնք են ծրագրի իրականացման հետ կապված հնարավոր ռիսկերը և դրանց հաղթահարման ռազմավարությունը:

Ծրագրի իրականացման հետ կապված ռիսկերը կշռված են, ստեղծվող կենտրոնի հետագա պահպանությունը և շարունակականությունը երաշխավորված՝ սոցալական ձեռնարկատիրությամբ պայմանավորված: Անհաղթահարելի ռիսկ ազդեցությամբ պայմանավորված ռիսկերը շնորհիվ մեր ճկուն քաղաքականության կոառնան կառավարելի և մենք չենք շեղվի մեր հիմնական առաքելություններից ու նպատակներից: Նախորդող ժամանակահատվածում տեղի ունեցած բոլոր իրավիճակներում (կորոնավիրուս, ռազմական գործողություններ) կիրառված փորձը համոզիչ է:

Ծրագրի աշխատակազմը

Նկարագրել ներգրավվող և վճարվող աշխատակիցների և/կամ փորձագետների պաշտասխանավորության շրջանակը և կցել կենսագրականները: Հիմնավորեք երիտասարդական աշխատանքի փորձառությունը:

Ծրագրի հիմնական կառավարումն իրականացվելու է «Արարատի երիտասարդական Կենտրոն» ՀԿ-ի անձակազմի կողմից (վճարվող եւ/կամ կամավորական հիմունքներով): ՀԿ-ի նախագահը Գևորգ Մարգարյանն է, ով սկսած դեռ 2001թ. ներգրավված է եղել կամավորական մի շարք աշխատանքներում, հանդիսացել է Արարատի «Քոլտոն» երիտասարդական Կենտրոն ՀԿ-ի ակտիվ անդամներից մեկը,

³ 2024 թվականից երիտասարդական կենտրոն/ներում իրականացվող միջոցառումների ուղղակի շահառուների թիվը տարեկան կտրվածքով չի կարող պակաս լինել 200-ից:

կազմակերպել է համակարգչային գրագիտության դասընթացներ, հիմնադրել է երիտասարդական ամսաթերթ, աշխատանքային գործունեության ընթացքում ներգրավված է եղել IT-ընկերություններում և ֆինանսաբանկային ոլորտում, մասնակցել է մի շարք վերապատրաստման դասընթացների: Մասնագիտացած է սպասարկման, վաճառքների, կառավարման և IT ոլորտում: Այժմ զբաղեցնում է «Արփինետ» ՍՊԸ-ի Արարատի մասնաճյուղի տնօրենի հաստիքը:

Ծրագրում ներգրավված են այնպիսի աշխատակիցներ, ովքեր ստացել են բարձրագույն կրթություն շրջակա միջավայրի պաշտպանության, տնտեսության կարգավորման և միջազգային տնտեսական հարաբերությունների, մարքեթինգի և բիզնեսի կազմակերպման, իրավագիտության և այլ մասնագիտություններով, ինչը նպաստելու է ստացած գիտելիքները և ունեցած փորձը կիրառել կազմակերպության կանոնադրության և ծրագրի պահանջներից բխող միջոցառումների արդյունավետ իրականացման համար:

Արդյունքում սահմանված նպատակներն իրականացնելիս, կազմակերպությունը լավ ճանաչում է ձեռք բերել համայնքում, ինչպես ՏԻՄ կառույցների, այնպես էլ մասնավոր հատվածի հետ համագործակցելիս:

Ծրագրի նպատակը, խնդիրներն ու ակնկալվող արդյունքները

Համառոտ կերպով նկարագրել՝ որն է ծրագրի նպատակը և ինչ արդյունքներ են ակնկալվում ծրագրի ավարտին՝ սույն հրավերին կից ներկայացված տեխնիկական չափորոշիչներին համապատասխան:

Ծրագրի նպատակն է ստեղծել համայնքային երիտասարդական կենտրոն, որը հնարավորություն կստեղծի զարգացնել համայնքային կյանքը, իսկ ծրագրի ավարտին համայնքը կունենա իր երիտասարդական կենտրոնը: Ծրագրի ավարտին նախատեսվում է ունենալ կայուն սոցիալական ձեռնարկություն, իր եկամտի աղբյուրներով, իր բյուջեով և իր աշխատակիցներով, ինչը հնարավորություն կտա երիտասարդական կենտրոնի հետագա բարգավաճմանը և իր առջև դրված խնդիրների կատարմանը ու ստանձնած պարտավորությունների կյանքի կոչմանը:

Կազմակերպությունն իր առջև խնդիր է դրել ակտիվացնել համայնքում երիտասարդական կյանքը, ստեղծել միջավայր ստեղծագործելու, մտորելու, հանրային շահը տարբերելու և ի օգուտ համայնքի արարելու:

Արդյունքում ունենում ենք.

- ստեղծագործ միջավայրի ստեղծում
- երիտասարդ մտքերի և գաղափարների գեներացում
- հանրային կարծիքի ստեղծում և առաջնորդում
- գործազրկության կրճատում
- զբաղվածության խթանում
- համայնքային մարգամշակության կյանքի ակտիվացում
- ինքնակատարելագործվելու, նոր գիտելիքներով և փորձով հարստանալու հնարավորության ընձեռում

Այս նորարարական կենտրոնը դառնալու է տարածաշրջանի այցեքարտը, նպաստելու է մի շարք երիտասարդների ինքնաարտահայտման, ինքնադրսևորման և կայուն հեռանկար ունենալու հնարավորությանը:

Գործողություններ

Որոնք են այն կոնկրետ միջոցառումները, որոնք նախատեսվում է իրականացնել համապատասխան սույն հրավերին կից ներկայացված տեխնիկական չափորոշիչներին:

Ներկայացնել կիսամյակային կտրվածքով գործողությունների պլան՝ համաձայն սպորտ ներկայացված ձևաչափի հաջորդող առաջին տարվա համար.